

Headline	Tambah spesies Resak abdulrahman		
MediaTitle	Berita Harian		
Date	22 Apr 2016	Color	Full Color
Section	Nasional	Circulation	125,514
Page No	24	Readership	947,000
Language	Malay	ArticleSize	387 cm ²
Journalist	Balqis iazimah Zahari	AdValue	RM 13,289
Frequency	Daily	PR Value	RM 39,867



Tambah spesies Resak abdulrahman

» *Lebih banyak pembenihan pokok hutan baharu: Zambry*

Oleh Balqis Jazimah Zahari

bhnews@bh.com.my

► Ipoh

Kerajaan Perak bersama Jabatan Perhutanan akan memelihara spesies pokok hutan baharu dunia, Resak abdulrahman yang ditemui di Hutan Simpan Kledang Saiong, dekat sini.

Menteri Besar, Datuk Seri Dr Zambry Abd Kadir, berkata kerajaan negeri akan melaksanakan lebih banyak proses pembenihan bagi memastikan kewujudan dan pemuliharaan spesies itu terjamin sepanjang masa.

Spesies unik

“Kita akan menambah spesies itu supaya ia dapat ditanam di kawasan ini (lokasi ditemui) atau kawasan lain yang sesuai,” katanya pada sidang media selepas merasmikan Sambutan Hari Hutan Antarabangsa Peringkat Perak 2016 dan Kembara Rimba Bersama Menteri Besar di Taman Eko Rimba Kledang Saiong, di sini semalam.

Zambry turut merentas laluan Denai Hutan Digital sejauh kira-kira dua kilometer bersama 30 pegawai Jabatan Perhutanan Perak dan wakil media.

Yang turut hadir, Pengerusi

Landskap Malaysia, Tun Jeanne Abdullah dan Ketua Pengarah Perhutanan Semenanjung, Datuk Seri Dr Abd Rahman Abd Rahim.

Pada 10 April lalu, BH melaporkan penemuan spesies baharu Resak abdulrahman atau nama saintifiknya, *Vatica abdulrahmaniana* yang menjadi satu-satunya spesies unik di dunia yang hanya ada di Hutan Simpan Kledang Saiong.

Semenanjung mempunyai 23 spesies Resak dan kajian mendapati spesies Resak abdulrahman diketahui wujud sebagai *Vatica sp A* seawal 1931, tetapi tidak

cukup bahan berbunga atau berbuah untuk menamakannya sebagai spesies.

Hasil penyelidikan

Spesies istimewa itu ditemui sekumpulan penyelidik yang menjalankan kerja pemantauan jangka panjang spesies terancam menerusi projek dikendalikan Institut Penyelidikan Perhutanan Malaysia (FRIM) di kawasan hutan simpan berkenaan pada tahun 2009. Ia diberi nama Resak abdulrahman sempena nama Ketua Pengarah Perhutanan Semenanjung.

Zambry berkata, Hutan Eko Rimba Kledang Saiong juga akan disenaraikan dalam pakej pelancongan yang akan dibangunkan bersama Movies Animation Park Studios (MAPS) di Meru menerusi kerjasama Perbadanan Kemajuan Negeri Perak (PKNP) dan Jabatan Perhutanan.

“Kawasan seluas 50 hektar ini akan menjadi salah satu pakej bagi menarik pelancong. Ini bermakna pelancong bukan sahaja dapat menikmati taman tema air dan taman animasi semata-mata, tapi turut merasai pengalaman memasuki taman semula jadi,” katanya.



Headline	Tambah spesies Resak abdulrahman		
MediaTitle	Berita Harian		
Date	22 Apr 2016	Color	Full Color
Section	Nasional	Circulation	125,514
Page No	24	Readership	947,000
Language	Malay	ArticleSize	387 cm ²
Journalist	Balqis iazimah Zahari	AdValue	RM 13,289
Frequency	Daily	PR Value	RM 39,867



Zambry menanam pokok Beruas di Taman Rimba Kledang Saiong ketika melawat taman rimba sempena Sambutan Hari Hutan Sedunia di Ipoh, semalam. [FOTO SUPIAN AHMAD/BH]